

სრულიად საქართველოს კათოლიკოს-პატრიარქის ქადაგება (06.10.2019)



ჩვენთან არს ღმერთი

ღმერთმა დაგლოცოთ, ღმერთმა დალოცოს სრულიად საქართველო. ჩვენ ვცხოვრობთ ძალიან რთულ დროს. ბოროტი სული საშინლად ებრძვის ადამიანს და თქვენ უნდა ფრთხილად იყოთ. ყოველდღე, საღამოს, უნდა ასხუროთ ნაკურთხი წყალი თქვენს ოთახებს, თქვენს ეზო-კარს და ძილის წინ აუცილებლად წაიკითხოთ ლოცვები.

ხშირი შემთხვევაა, როცა ახალგაზრდები იკლავენ თავს და იღუპება ადამიანის სული. ეს ყველაფერი ბოროტი სულის გავლენაა. ამიტომ თვეში ერთხელ მაინც მღვდელს უნდა აკურთხებიანოთ თქვენი საცხოვრებელი.

დღესაც ჩვენ მოგვივიდა ორი შეტყობინება, რომ მაღალი სართულიდან გადმოვარდა

ორი ადამიანი. ფრთხილად უნდა ვიყოთ და ვიფიქროთ, რით წარვდგებით წინაშე ღვთისა.

ყველაზე დიდი ძალა, რომელიც თქვენ დაგეხმარებათ და ჩვენ დაგვეხმარება, არის ქველმოქმედება, თანადგომა გაჭირვებული ადამიანისა. ცხოვრების მიზანი უნდა იყოს ღვთის სადიდებლად გაჭირვებული ხალხის დახმარება. ზოგიერთი მიზნად ისახავს დააგროვოს სიმდიდრე, ეს სიმდიდრე სამარის კარამდე მიაყილებს მას, მერე კი ტოვებს.

იყო ასეთი შემთხვევა: ერთ ქვეყანაში ცხოვრობდა მეტად მდიდარი ადამიანი თავის ცოლ-შვილით. აგროვებდნენ სიმდიდრეს. ცოლი ავად იყო და ადარდებდა მხოლოდ ის – ვის დარჩება ჩემი სიმდიდრეო. სიკვდილის წინ გამოატანინა თავისი ყველაზე ძვირფასი კაბა, რომელიც მოქარგული იყო თვალ-მარგალიტით, მაგრად ჩასჭიდა ხელი და ასე გარდაიცვალა. რადგან ხელი ვერ გაუნთავისუფლეს გარდაცვლილს, ოჯახმა შემოაჭრა იმ კაბას დაჭერილი ნაწილი და ის წაიღო საიქიოს იმ ქალბატონმა.

მე კიდევ ერთხელ ყველას გეხვეწებით, გაუფრთხილდით და დაიფარეთ ოჯახები თქვენი, დაიფარეთ შვილები თქვენი.

არავითარ შემთხვევაში წყევლა არ წამოგცდეთ შვილისა ან ადამიანისა. ვინც იწყევლება, თავის თავსაც წყევლის და თავის ოჯახსაც.

ჩვენი დროის სირთულე მეტყველებს იმაზე, რომ ქვეყნის აღსასრული არც ისე შორს არის, ახლოს არის და სწერია ბიბლიაში: როცა ბოროტი სული მიხვდება რომ აღსასრული მოდის, გააძლიერებს ბრძოლას ადამიანთან.

ჯვარი გენეროთ, ღმერთმა დაგიცვათ და დაგიფაროთ ხილული და უხილავი მტრებისგან.

დღეს ჩვენ ვაჭილდოებთ სამღვდელოებას, ვლოცავთ ოჯახებსა და გვარებს.

დეკანოზი გიორგი დორეული დაჭილდოებულია მიტრის ტარების უფლებით. აქსიოს!

დეკანოზი მიქაელი გვარამაძე, დაჭილდოებულია მიტრის ტარების უფლებით. აქსიოს!

დეკანოზი სერგი ლომიძე, დაჭილდოებულია გამშვენებული ჯვრის ტარების უფლებით. აქსიოს!

მღვდელი იოანე საბანაძე, აღყვანილია დეკანოზის ხარისხში და დაჭილდოებულია ოქროს ჯვრის ტარების უფლებით. აქსიოს!

მღვდელი დავით შაყულაშვილი აღყვანილია დეკანოზის ხარისხში და დაჯილდოებულია ოქროს ჯვრის ტარების უფლებით. აქსიოს!

მღვდელი იოანე ჩალიგავა აღყვანილია დეკანოზის ხარისხში და დაჯილდოებულია ოქროს ჯვრის ტარების უფლებით. აქსიოს!

მღვდელი ლევან ანთაძე აღყვანილია დეკანოზის ხარისხში და დაჯილდოებულია ოქროს ჯვრის ტარების უფლებით. აქსიოს!

მღვდელი გიორგი ჯულუხაძე აღყვანილია დეკანოზის ხარისხში და დაჯილდოებულია ოქროს ჯვრის ტარების უფლებით. აქსიოს!

დღეს ილოცებიან შემდეგი გვარები: ყაზარაშვილები, ბაბალები, ბოგველები, ედილაშვილები, ჯვარაძეები, თებუაშვილები, ბებუაშვილები და დარბაიძეები.

ჩვენთან ასევე მობრძანებულები არიან ახალგზარდების არასამთავრობო ჯგუფის ხელმძღვანელები, რომლებიც მრავალ კეთილ საქმეს აკეთებენ და ცდილობენ, შეიტანონ წვილი ქვეყნის განვითარებაში, ესენია: ჯაბა კანტიძე, რატი ხითარიძე და ლუკა გიორგაძე.

ღმერთმა დაგლოცოთ, გაგახაროთ, გაგამრავლოთ. ღმერთმა დალოცოს თქვენი ოჯახები და თქვენს მიერ აღსრულებული კეთილი საქმეები!

patriarchate.ge